



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XLIII. Epistola Episcoporvm Pamphyliae Regionis Ad Leonem Imperatorem.
Piissimo & Christianissimo domino imperatori Leoni, Epiphanius episcopus
Pergensis, & qui cum eo sunt reuerendissimi episcopi, ...

urn:nbn:de:hbz:466:1-14887

EPISTOLA EPISCOPORVM PAMPHYLIAE
REGIONIS AD LEONEM IMPERATOREM.

Piissimo & Christianissimo domino imperatori Leoni, Epiphanius episcopus Pergensis, & qui cum eo sunt reuerendissimi episcopi, Ephesius, Porphyrius, Diodotus, Noyfmaras, Paulus, Marcianus, Auxentius, Pierius, Ioannes, Miccus, Innocentius, Polemon, Theosebius, episcopi Pamphyliae regionis.

DECET quidem Deum omnis humana laus, & omnis pariter oratio, pium vero principem famosissimus fermo. Nam & ipse cum subiectis adorat imperii largitor, & pacis prouisorum Dominum Christum, qui protegit inuisibiliter, & eos qui aduersus pacem gerunt bella, concidit. Ait enim quodam loco sacra scriptura, dum Aegyptiorum multitudinem populus formidaret: *Dominus pugnabit pro vobis, & vos tacetis.* Exod. 14. & hoc quidem frequenter operatus est Christus, sub vestrae vero pietatis imperio palam gerens feruida, & vehementer expauit. Locus corruptus. Quae cum esset ad capiendum difficilis, & non crederetur posse subdi, sic potuit repente consumi, vt de cetero neque nomen eius valeat inueniri. Ita siquidem Deus protegit ac prouisor existit eorum qui in eo cordis pietate confidunt, qualem te quoque esse contigit, Deo amabilis imperator, qui non solum extraneorum rerum prouisor esse dinosceris, sed etiam sanctarum Dei ecclesiarum pacem multo labore conquiris, vt habeas eam tu quoque, qui pro ea decertas, & pro eius vniuersitate cuncta diligenter operaris, quomodo & vno Christi corpore omnes qui eius sunt, alligantur. Quis itaque sermo digne possit vestram laudare tranquillitatem, circa vtrumque sic pie & paterna caritate laborantem, & tuitionem suam summo studio conferentem? Quapropter competit vobis Psalmitae verbum: *Sperauit in Domino, & in misericordia Altissimi non commouebitur.* Psal. 20. *Inueniatur manus tua omnibus inimicis tuis, & dextera tua inueniat omnes odientes te.* Et haec quidem a nobis humillimis pro gratiarum actione referuntur, piissime & Christo amabilis imperator. Dudum itaque literas ad vestram pietatem dirigens ego humilis, declaravi

Concil. Tom. 9.

T r ij

meam vestrae pietati sententiam, qualis sim circa orthodoxam fidem, nec non & sanctū Calchedonenſe Concilium. Quia vero etiam nunc diuinis syllabis tranquillitas vestra praecipit, vt vna cum Deo amantissimis episcopis qui mecum sunt, conueniens significare debeam quid sentiamus de eodem sancto Calchedonenſi Concilio, & de Timotheo Alexandrino, sicut aiunt, episcopo: etiam rursus communiter vestrae maiestati significamus, quoniam gratia Dei nulla parte ab eius pietate recedimus, nisi quia laesionem iudicamus, diuisionem simplicium populorum, quam nescio quomodo ignorantiam facientem patiantur. Sicut enim iam dudum Christianissimis vestris auribus indicaui, nulla alia doctrina tradita est a nobis accedentibus ad salutare sanctumque baptisma, nisi quae a sancto Nicæno Concilio gratia spiritali prolata est, per quam & nos meruimus peccatorū redemptione saluari, & donum adoptionis adipisci, vnde bona futura percipere sustinemus, & mundus pariter vniuersus. Non enim nos quidem per ea ad Christum accessimus, alios autem eadem nobiscum participare gratia prohibemus, dum omnia compleat, & omnibus valde sufficiat, nullusque respuere potest quo ipse saluatus est. Non igitur dicant, quia nos hanc solum praedicamus, & non eam colimus: sed & colimus, & veneramur, & praedicamus, & cum ea de praesenti vita optamus egredi, & Christo Domino per hanc credimus praesentari. Non ergo mentem simplicium subuertentes haec dicant. Nos enim & Nicænam Synodum debito honore veneramur, & Calchedonenſem quoque suscipimus, veluti scutum eam contra haereticos opposentes, & non anathema fidei existentem. Non enim ad populum a papa Leone & a sancto Calchedonenſi Concilio scripta est, vt ex hoc debeant scandalum sustinere; sed tantummodo sacerdotibus, vt habeant quo possint repugnare cōtrariis. Duarum namque naturarum siue substantiarum vnitatem in vno Christo declaratam inuenimus a pluribus apud nos consistentibus sanctis & religiosissimis patribus, & nequaquam veluti mathema, aut symbolum his qui baptizantur, hoc tradimus, sed ad bella hostium referuamus. Si vero propter medelam eorum qui per simplicitatē scandalizati noscuntur, placuerit vestrae potentiae, Christo amabilis

ANNO
CHRISTI
451.

imperator, sanctissimo Leoni Romanæ ciuitatis episcopo,
nec non aliorum pariter sanctitati, propter istorum (sicut
dixi) condescensionem & satisfactionem, quatenus idem
sanctissimus vir literis suis declaret, quia non est symbo-
lum, neque mathema epistola quæ tunc ab eo ad sanctæ
memoriæ nostrum archiepiscopum Flavianum directæ
est, & quod a sancto Concilio dictum est, sed hæreticæ
prauitatis potius increpatio: simul & illud quod ab eis est
dictum, in duabus naturis, quod forte eis dubium esse di-
noscitur, dum a patre prolatum sit propter eos qui veram
Dei Verbi incarnationem negant, his sermonibus aper-
tius indicatum, ita tamen, vt in nullo sanctæ Synodi fiat
iniuria. Nihil enim differt, siue duarum naturarum vni-
tas inconfusa dicatur, siue ex duabus eodem modo re-
feratur. Sed neque si vna dicatur Verbi natura, inferatur
autem incarnata, aliud quid significat, sed idem honestio-
ri sermone declarat. Nam & inuenimus sapius hoc dixisse
sanctos patres. Apud vestræ pietatis imperium, quod
significat vestra potentia decenter ago, quia ipsa Syno-
dus permanebit, sicut ecclesiæ membra discerpta copula-
buntur hoc sermone curata, & ea quæ contra sacerdotes
nefande committuntur, cessabunt, & ora hæreticorum
contra nos aperta damnabuntur, & omnia reducentur
ad pacem, & fiet, sicut scriptum est, *vnus grex & vnus pa-*
stor. Quoniam & Dominus Christus multa condescensio-
ne circa nos vsus, & humanum saluauit genus: & *quia cum*
diues esset, vtique diuinitate, pauper factus est pro nobis, se-
cundum quod homo fieri voluit, vt nos illa paupertate
ditaremur, sicut beatus Paulus edicit. Et iterum, quo-
modo relinquens nonaginta nouem oues in cælis, perre-
xitque quærere perditam, quod constat in nobis: & quia
cum inuenisset, multam nobis tuitionem exhibuit, ita vt
eam humeris suis imponeret, & cælestibus ordinibus co-
pularet. in quo & magnum gaudium factum dicit in cælo
& pro eius inuentione, & pro numeri supplemento. His
itaque quid sentiamus de Calchedonensi Concilio, nos
humiles vestræ pietati suggestimus. De Timotheo vero,
quantum nos humiles probare potuimus, vestræ tranqui-
litati suggerimus: quia si ea quæ de eo continentur in pre-
cibus oblati vestræ tranquillitatis imperio, tanta & talia

Locus men-
dosus.

Ioann. 10.

1. Cor. 8.

Luc. 15.

vera comperiuntur, sicut asserunt reuerendissimi episcopi qui ea suppliciter obtulerunt; extraneus ab omni sacerdotali honore & pia Canonum integritate dignoscitur, sicut nos humiles valemus inspicere. Omnis enim causa eius in iudicio & probatione vestri pendet imperii, & integritate sanctorum summorumque patrum, quibus & nos humiles iustum est obedire propter maximam eorum scientiam ac sapientiam, subtiliter talia iudicare valentium. Nobis autem dari veniam a vestra potestate poscimus, si quid ut homines in his literis incaute suggestimus. Inuitati enim, aut potius iussi, & quod maius est, coniu-rati, hæc scribere vestra tranquillitati præsumpsimus.

Epiphanius Pergenæ ciuitatis episcopus, incolumem pietatem vestram Dei ecclesiis & Romano imperio in Christo opto seruari semper, piissime & Christo amabilis imperator.

* Ephesius episcopus Comanenus, similiter.

Porphyrius episcopus Palæopoleos, similiter.

Diodotus episcopus Lyfinensis, similiter.

Polæmon episcopus Tebennorum, similiter.

Miccus episcopus Hadrianopolis, similiter.

Maras episcopus Codri, similiter.

Neon episcopus Gilsatenus, similiter.

Paulus episcopus Puglensis, similiter.

Martinus episcopus Pellensis, similiter.

* Hierius episcopus Panemotici, similiter.

Ioannes episcopus Ariassi, similiter.

Theofebius episcopus Maximianopolis, similiter.

Auxentius episcopus Termisæ, similiter.

Innocentius episcopus Eudoxianus, similiter.

XLIV.

EPISTOLA

SYNODI MYRENSIS,

AD LEONEM IMPERATOREM.

Christo amantissimo, victori atque triumphatori, & a sancta Trinitate seruato imperatori Leoni, Synodus quæ per sanctionem vestra maiestatis in Myrena metropoli vestrae Lyciæ prouinciæ congregata est.

LITERAS tranquillitatis vestrae suscepimus per Brane-mundum magistrinum, plenas fide ac pietate, zeloque iustitiæ & agnitionis Dei. Manum itaque tuam com-